

# *Ang Gahum sa Dios*

Gitipon Ni Watson Goodman

Libre Dili Ibaligya

## **ANG GAHUM SA DIOS**

**Unsaon man pagpasabot sa tawo ang mahitungod sa gahum sa atong Magbubuhat? O mahitungod kaha sa kahibalo sa tanang butang diha sa atong way utlanang Dios? Dili mahimo, kay dili man matugkad sa hunahuna sa tawo ang iyang pagkagamhanan, ang iyang pagkahalangdon, o ang iyang pagkadako.**

**Apan ang Dios mismo nagpadayag sa iyang kaugalingon diha sa Biblia nga mao ang Balaang Kasulatan. Igo na kini paghatag kanatog maayong talan-awon sa iyang gahum sa pagbuhat sa bisan unsa, bisan gani sa mga butang nga wala palandong sa tawo. Gibuhat niya ang kalibutan ug gibutang kini sa kawanangan ug tungod kay gikuptan man kini sa iyang gahum, anaa gihapon kini sulod sa linibo ka katuigan. Bisin pa sa daotang gahum ni Satanas ug sa sala sa tawo, ang Dios nagasapnay gihapon sa kalibotan.**

**Tukion nato karon ang gipadayag sa Pulong sa Dios mahitungod sa iyang walay kinutubang gahum.**

**—Watson Goodman, 1920-2002**

**Jeremias 10:12**

Gibuhat niya ang yuta pinaagi sa iyang gahum, gitukod niya ang kalibutan pinaagi sa iyang kinaadman, gibuklad ang kalangitan pinaagi sa iyang salabutan.

**Isaias 40:18a, 22, 25, ug 26**

Nan kang kinsa man diay ninyo, igapakasama ang Dios? . . . Siya mao ang nagalingkod ibabaw sa kalingin sa kalibutan, ug ang mga pumoluyo niini sama sa mga dulon; nga nagabuklad sa mga langit ingon sa usa ka tabil, ug nagaladlad kanila ingon sa usa ka balong-balong nga pagapuy-an; . . . Nan kang kinsa man diay ako ipanig-ingon ninyo, nga aron ako

mahisama kaniya? nagaingon ang Balaan. Ihangad ang inyong mga mata sa itaas, ug tan-awa kong kinsay nagbuhat niini, nga nagadala sa ilang panon sa tinagdaghan; siya nagatawag kanilang tanan pinaagi sa ngalan; tungod sa kadaku sa iyang gahum, ug tungod kay siya kusgan sa kagahum, walay mausa nga makulang kanila.

**Jeremias 32:17**

Ah Ginong Jehova! ania karon, ikaw nagbuhat sa langit ug sa yuta pinaagi sa imong dakung gahum ug pinaagi sa tinuy-od nga mga kamot; ug walay bisan unsa nga malisud alang kanimo.

## **2 SI SATANAS DILI MAKAMUGNA UG PLANETA ARON IBITAY SA KAWANANGAN**

**Lucas 10:18**

**Ug si Jesus miingon kanila, Nakita ko si Satanas nga nahulog ingon sa kilat gikan sa langit.**

**1 Pedro 5:8**

**Magmalinawon kamo sa hunahuna, managtukaw kamo. Ang inyong kaaway nga mao ang yawa nagalibotlibut sama sa leon nga nagangulob nga nangitag iyang matukob.**

**Juan 1:1 ug 3; 10:10a**

**Sa sinugdan mao na ang Pulong, ug ang Pulong uban sa Dios, ug Dios ang Pulong.... Ang tanang mga butang nangahimo pinaagi kaniya; ug niadtong mga**

**nangahimo na, walay bisan usa nga nahimo nga dili pinaagi kaniya.... Ang kawatan moanha aron lamang sa pagpangawat ug pagpatay ug paglaglag.**

**Juan 8:12**

**Ug kanila si Jesus misulti pagusab nga nag-ingon, Ako mao ang kahayag alang sa kalibutan. Siya nga magasunod kanako dili gayud magalakaw sa kangitngit, hinonoa magabaton siya sa kahayag nga magahatag ug kinabuhi.**

**1 Corinto 10:20b**

**Dili ako buot nga kamo magpakig-ambit kauban sa mga yawa.**

**Salmo 62:11**

Ang Dios nagsulti sa nakausa, nakaduha ako makadungog niini, nga ang gahum iya man sa Dios.

**Isaias 43:13a**

Oo, sukad sa pagkahimo sa adlaw, ako mao man siya; ug walay bisan kinsa nga makaluwas gikan sa akong kamot....

Imo, Oh Jehova, ang pagkada-ku, ug ang gahum, ug ang himaya, ug ang pagdaug, ug ang pagkahalangdon: kay ang tanan nga anaa sa kalangitan ug ang anaa sa yuta imo; imo man ang gingharian, Oh Jehova, ug ikaw ang gipahitaas ingon nga pangulo ibabaw sa tanan. Mga pagkadato ug ka-

dungganan nagagikan kanimo, ug ikaw nagagahum ibabaw sa tanan; ug sa imong kamot anaa ang kagahum ug kusog; ug sa imong kamot mao ang pagpada-ku, ug paghatag ug kusog sa tanan. —1 Cronicas 29:11, 12

Oh, Ginoong Jehova: ikaw nag-sugod sa pagpahayag sa imong ulipon sa imong pagkadaku, ug sa imong kamot nga kusgan; kay un-sa ba nga dios ang anaa sa langit kun sa yuta nga makabuhat sumala sa imong nga gibuhat ug sumala sa imong dagkung mga buhat? —Deuteronomio 3:24

Kay sa Dios walay butang nga dili mahimo. —Lucas 1:37

## ANG KADAKU SA WALAY KAHANGTURAN NGA GAHUM SA DIOS

**Exodo 15:7**

Ug sa pagkadaku sa imong kagahum imong gilintuwad kad-tong mingtindog batok kanimo: gisugo mo ang imong kaligutgut, kini naglamoy kanila ingon sa mga laya nga dagami.

**Salmo 147:5**

Daku ang atong Ginoo, ug sa gahum nga dili hitupngan; ug ang iyang salabutan walay kinutoban.

**Nehemias 9:6**

Ikaw si Jehova, bisan ikaw la-mang; ikaw ang nagbuhat sa langit, ang langit sa kalangitan, lakip ang tibook nilang panon, sa yuta ug sa tanang mga butang

nga anaa sa ibabaw niana, sa mga dagat ug sa tanang anaa kanila, ug ikaw nagbantay kanilang ta-nan; ug ang panon sa langit naga-simba kanimo.

**Salmo 104:1**

Dayegon mo si Jehova, Oh kalag ko. Oh Jehova nga Dios ko, daku ka sa hilabihan; ikaw nabis-tihan sa kadungganon ug sa pag-kahalangdon.

**Salmo 145:3**

Daku man si Jehova, ug takus gayud nga pagadayegon; ug ang iyang pagkadaku dili gayud matukib.

Sumalig kamo kang Jehova sa walay katapusan; kay kang Jehova, bisan kang Jehova, anaa ang usa ka bato nga walay katapusan. —Isaias 26:4

Sa wala pa patunghaa ang kabukiran, kun ang yuta ug ang kalibutan nga imong gihimo, bisan gikan sa walay sinugdan ngadto sa walay katapusan, ikaw mao ang Dios sa gihapon. —Salmo 90:2

Apan si Jehova mao ang matuod nga Dios; siya mao ang Dios nga buhi, ug ang Hari nga walay katapusan: sa iyang kasuko ang yuta mokurog, ug ang mga nasud dili makapabilin sa iyang kasuko. —Jeremias 10:10

Pinadayag 11:15b

...ug sa langit dihay mga makusog nga tingog nga nanagingon, Ang gingharian sa kalibutan nahimong gingharian sa atong Ginoo ug sa iyang Cristo, ug siya magahari hangtud sa kahangturan.

*Ang Gahum ni Satanas  
Pagagun-obon*

Ug ang yawa nga nagpahisalaag kanila gitambog ngadto sa linaw nga kalayo ug asupri diin atua na ang mapintas nga mananap ug ang mini nga profeta, ug didto pagasakiton sila sa adlaw ug sa gabii hangtud sa kahangturan. —Pinadayag 20:10

## **6      ANG MAKAAHADLOK NGA GAHUM SA DIOS NGA GIPAKITA DIDTO SA DAGAT NGA PULA**

**Exodo 14:21, 22, 26-27, 30**

Ug gituy-od ni Moises ang iyang kamot sa ibabaw sa dagat ug gibuhat ni Jehova ang pagpa-iway sa dagat pinaagi sa kakusog sa hangin sa silangan sa tibook niadtong gabhiona, ug nahimo ang dagat nga yutang mamala ug ang mga tubig nabahin. Ug ang mga anak sa Israel misulod sa taliwala sa dagat sa yutang mama-la, ug nangahimo ang mga tubig nga ingon sa paril sa ilang too ug sa ilang wala: . . . Ug si Jehova miingon kang Moises: Tuy-ora ang imong kamot sa ibabaw sa dagat, aron ang mga tubig manag-

pamalik sa ibabaw sa mga Egiptohanon, sa ibabaw sa ilang mga carro, ug sa ibabaw sa ilang mga magkakabayo. Ug gituy-od ni Moises ang iyang kamot sa ibabaw sa dagat, ug ang dagat hingulian sa iyang kusog sa pagkabuntag, ug ang mga Egiptohanon nanagpangalagiw batok niini: ug gilaglag ni Jehova ang mga Egiptohanon sa taliwala sa dagat . . . Sa ingon niana giluwes ni Jehova ang Israel niadtong adlaw gikan sa kamot sa mga Egiptohanon; ug nakita sa Israel ang mga Egiptohanon nga mga patay sa baybayon sa dagat.



# WALAY MILAGRO NGA DAKU KAAYO ALANG SA DIOS 7

## *Nagpaka-on Sa Milyon Katawo Sulod Sa Kuwarenta Ka Tuig*

Exodo 16:12b-15a ug 35a

... Sa pagkagabii magakaon kamo ug unod, ug sa pagkabuntag pagabusgon kamo sa tinapay; ug manghibalo kamo nga ako mao si Jehova nga inyong Dios. Ug nahitabo sa pagkagabii, nga mingkayaw ang mga buntog, ug minghugpa sa campo, ug sa pagkabuntag naglukop ang tunog libut sa campo. Ug sa misaka ang tunog nga naglukop sa campo, ania karon, sa ibabaw sa nawong sa kamingawan dihay usa ka butang nga diyutay ug mali-

ngin, diyutay nga ingon sa usa ka tun-og nga tibook sa ibabaw sa yuta. Ug sa pagkakita niini sa mga anak sa Israel, nanag-ingon ang usa ug usa kanila:... Ug nanagpangaon ang mga anak sa Israel sa mana sulod sa kapatan ka tuig, hangtud nga mingsulod sila sa yuta nga gipuy-an....

## *Nagpahunong Sa Baha*

Ug ang mga sacerdote nga nanagyayong sa arca sa tugon ni Jehova, nanagpanindog nga malig-on sa yuta nga mamala sa taliwala sa Jordan; ug ang tibook Israel mingtabok sa yutang mamala.... —Josue 3:17a

## 8 ANG DIOS DAKU KAAYO NGA MANLULUWAS

Daniel 3:21, 22 ug 27a

Nan kining mga tawohana gipagnaggapus nga sinul-oban sa ilang mga kalsones, sa ilang mga sinina, sa ilang mga kupo, ug sa uban pa nilang mga bisti, ug gipanaghulog ngadto sa taliwala sa hudno sa kalayo nga nagadi-laab. Busa tungod sa pagkadinanlian sa sugo sa hari, ug ang hudno mainit uyamut, ang siga sa kalayo nakamatay niadtong mga tawo nga nagsakwat kang Sadrach, kang Mesach, ug kang Abednego. . . . Ug ang mga kadagkuan, ang mga tinugyanan, ug ang mga gobernador, ug ang mga magtatambag sa hari, nga nanag-

katapok didto, nanagpakakita niining mga tawohana, nga ang kalayo walay gahum sa ilang mga lawas.

Daniel 6:16 ug 21, 22a

Unya ang hari nagpasugo ug ilang gidala si Daniel, ug gihulog siya sa langub sa mga leon. Karon, ang hari misulti ug miingon kang Daniel: Ang imong Dios nga imong gialagaran sa kanunay, siya magaluwas kanimo. . . . Unya si Daniel miingon sa hari: Oh hari, mabuhi ka sa walay katapusan. Ang akong Dios nagpadala sa iyang manulonda, ug gitakuman ang baba sa mga leon, ug sila wala makadaut kanako.

**Jeremias 23:29**

Dili ba ang akong pulong sama sa kalayo? nagaingon si Jehova; ug dili ba sama sa mazo nga nagadugmok sa bato?

Kay ang pulong sa Dios buhi ug nagalihok nga gamhanan, labi pang mahait kay sa espada nga duhay sulab, ug modulot ngadto sa gitagboan sa kalag ug espiritu, sa mga lutahan ug sa mga kauyokan, ug motugkad sa mga hunahuna ug katuyoan sa kasingkasing.  
—Hebreohanon 4:12

**Efeso 6:17**

Ug dawata ninyo ang salukot nga mao ang kaluwasan, ug ang

espada nga mao ang Espiritu, nga mao ang pulong sa Dios.

**Salmo 119:9**

Unsay igahinlo sa usa ka batanon sa iyang dalan? Pinaagi sa pagmatngon subay sa imong pulong.

**Juan 15:3**

Kamo nangahinlo na tungod sa pulong nga akong gisulti kaninyo.

**Juan 17:17**

Balaana sila pinaagi sa kamatuoran; ang imong pulong mao ang kamatuoran.

**Filipos 2:16a**

Nga nagatanyag sa pulong alang sa kinabuhi . . . .

## 10 SI HESU—KRISTO DIOS NGA NAGPAKATAWO

Colosas 2:9

Kay diha kaniya nagapuyo sa pagkalawas ang bug-os kinatibuk-an sa pagka-Dios.

Mateo 1:23-25

Tan-awa, usa ka birhin magasamkon ug magaanak sa usa ka bata nga lalaki, ug ang iyang ngalan pagatawgon Emanuel (nga ang kahulogan mao kini: Ang Dios uban kanato). Ug sa pagbangon ni Jose gikan sa pagkatulog, nagbuhat siya sumala sa gisugo kaniya sa manolunda sa Ginoo; nangasawa siya kaniya, apan wala siya makigduol kaniya hangtud gikaanak niya ang usa ka

bata nga lalaki, nga iyang ginganlan si Jesus.

Juan 5:17, 18

Apan si Jesus mitubag kanila, Ang akong Amahan nagapadayon sa pagbuhat bisan pa hangtud karon, ug ako nagabuhat sa ingon man. Ug mao kini ang hinungdan ngano nga misamot pa ang tinguha sa mga Judio sa pagpatay kaniya, dili lamang tungod kay gilapas niya ang adlaw nga igpapahulay, kondili tungod usab kay ang Dios iya mang gitawag nga iyang kaugalingong Amahan, ug sa ingon niana nagpakigsama siya sa Dios.

**Pinadayag 1:5a ug 8**

Ug gikan kang Jesu-Cristo...  
Ako mao ang Alfa ug ang Omega,  
nagaingon ang Ginoong Dios, nga  
mao ang sa karon ug ang sa  
kaniadto ug ang sa umalabut, ang  
Makagagahum sa Tanan.

**Colosas 1:13b-16**

... iyang Anak nga pinalangga,  
kang kinsa kita nakabaton sa pag-  
katinubos, sa kapasayloan sa mga  
sala. Siya mao ang dagway sa dili  
makita nga Dios, ang panganay  
sa tibuok nga kabuhatan; kay  
pinaagi kaniya gibuhad ang ta-  
nang mga butang, diha sa langit  
ug dinhi sa yuta, makita ug dili

makita, mga lingkoranan nga ha-  
rianon o kagahum o pamunoan o  
pagbolut-an — ang tanang mga  
butang gibuhad pinaagi kaniya ug  
alang kaniya.

**1 Timoteo 6:14b-16**

... Ginoong Jesu-Cristo; ug  
unya sa gitagal nga panahon kini  
igapadayag ra sa dalaygon ug  
bugtong Manggagahum, ang  
Hari sa mga hari ug Ginoo sa mga  
ginoo, nga mao lamang ang bug-  
tong nga dili mamatay ug naga-  
puyo sa kahayag nga dili maduol,  
nga wala makita ug dili arang ma-  
kita sa tawo. Kaniya ang pasidun-  
gog ug dayon nga panggahum.  
Amen.

## 12 SI KRISTO LABAW SA NGATANAN UBAN SA DIOS

Hebreohanon 1:3

Kini siya, ingon nga pangani-naw sa himaya sa Dios ug tukma nga hulad sa iyang kinaiya, mao ang nagasapnay sa kalibutan pinaagi sa gamhanan nga gipamulong niya. Sa nahimo na niya ang pagpanglinis sa mga sala sa katawhan, siya milingkod sa too sa Halangdon sa kahitas-an.

Efeso 1:19-22a

Ug kon unsa ang dili masukod nga pagkadaku sa iyang gahum nga ania kanato nga nanagtoo, sumala sa paglihok sa iyang dakung gahum nga iyang gipalihok diha kang Cristo, sa iyang pagbanhaw kaniya gikan sa mga

patay ug sa pagpalingkod kaniya diha sa iyang too sulod sa mga langitnong dapit, ibabaw sa tanang pamunoan ug pagbulot-an ug gahum ug kaginoohan, ug ibabaw sa tanang ngalan nga ginangalan, dili lamang niining kapanahonan karon kondili usab niadtong umalabut; ug siya nagpahiluna sa tanang mga butang aron mahisakop ilalum sa iyang mga tiil . . . .

Juan 10:30

Ako ug ang Amahan usa ra.

Juan 5:27

Ug gihatagan niya siyag kagahum sa pagpanghukom tungod kay siya Anak man sa Tawo.

# ANG PAGKAMAKAGAGAHUM SA BALAAAN NGA ISPIRITU

13

*Siya Makagagahum, Isip Dios*

1 Juan 5:7

Ug ang Espiritu mao ang naga-pamatuod niini, kay ang Espiritu mao man ang kamatuoran.

Buhat 5:3, 4b-5

Apan si Pedro miingon kaniya, Ananias, naunsa bang giyawaan man pag-ayo ni Satanas ang imong kasingkasing aron imong bakakan ang Espiritu Santo ug imong kuhaan ang halin sa yuta? . . . Ang imong gibakakan dili tawo kondili ang Dios. Ug sa pagkadungog ni Ananias niining mga pulonga, siya nahilukapa ug na-

bugtoan sa ginhawa. Ug giabut ug dakung kahadlok ang tanang nakadungog niini.

*Nagpuno sa mga magtutuo*

Ug sa nakaampo na sila, nauyog ang dapit diin nanagkatigum sila; ug silang tanan napuno sa Espirit Santo ug nanagsulti sa pulong sa Dios sa walay kahadlok. —Buhat 4:31

*Nagpalihok Sa Diosnong Gugma*

Ug ang paglaum dili mopahigawad kanato kay ang gugma sa Dios gikahuwad man nganhi sa atong mga kasingkasing pinaagi sa Espiritu Santo nga gikahatag kanato. —Roma 5:5

Hebreohanon 7:25

Busa, sa tanang panahon, siya arang makaluwas sa mga moduol sa Dios pinaagi kaniya, sanglit buhi man siya sa kanunay aron sa pagpangamuyo alang kanila.

Judas 24

Karon ngadto kaniya nga may gahum sa pagbantay kaninyo nga dili mangahulog ug sa pagpasundayag kaninyo nga walay buling diha sa atubangan sa iyang himaya dinuyogan sa dakung kalipay.

2 Corinto 9:8

Ug ang Dios makahimo sa pagtagana kaninyo sa tanang panalangin sa madagayaon gayud,

aron kamo magabaton kanunay ug igo sa tanang butang ug magatagana nga madagayaon alang sa tanang maayong buhat.

Lucas 3:8b

Dios makahimo sa pagpaliwat ug mga anak alang kang Abraham gikan niining mga bato.

Roma 4:16c ug 20, 21

Abraham... Diha kaniya wala ang kakulang sa pagtoo nga arang makapahimo kaniya nga maduhaduhaon sa saad sa Dios, hinonoa sa naghimaya siya sa Dios mitubo siya nga malig-on sa iyang pagtoo, masaligon sa hingpit nga ang Dios arang makatumang sa iyang gisaad.



**Filipos 3:21b**

... pinaagi sa gahum nga nakapahimo kaniyang takus bisan pa sa pagsakop sa tanang mga butang sa ilalum kaniya.

Kong mao kana, ang among Dios nga among ginaalagaran makahimo sa pagluwas kanamo gikan sa hudno nga nagadilaab sa kalayo; ug siya magaluwas kanamo gikan sa imong kamot, Oh hari... Unya si Nabucodonosor miduol sa baba sa hudno sa kalayo nga nagadilaab: misulti siya ug miingon: Sadrach, Mesach ug Abed-nego, kamo nga mga alagad sa Halangdon Uyamut nga Dios, gumula kamo ug uma-

ri... ug ang mga magtatambag sa hari, nga nanagkatapok didto, nanagpakakita niining mga tawohana nga ang kalayo walay gahum sa ilang mga lawas, ni masilaub ang buhok sa ilang ulo, ni mausab ang ilang saput ni mahatapot kanila ang baho sa kalayo. —Daniel 3:17 ug 26a, 27b

Kay maingon nga siya gayud nakaantus man sa diha nga gitintal siya, nan; makahimo siya sa pagtabang kanila nga mga gitintal. —Hebreohanon 2:18

**Hebreohanon 11:19a**

Iyang giisip nga ang Dios arang makabanhaw sa mga tawo gikan sa mga patay....

2 Timoteo 3:15

Ug nga sukad sa imong pagkabata ikaw nakasabut na sa balaan nga kasulatan nga makagagahum sa pagtudlo kanimo ngadto sa kaluwasan pinaagi sa pagtoo kang Cristo Jesus.

Ug kaniya, nga pinaagi sa gahum nga nagalihok sa sulod nato, arang makahimo sa tanang mga butang sa sukod nga labaw pa gayud kadaghan kay sa atong arang mapangayo o mahunahuna, kaniya maanaa ang himaya diha sa iglesia ug diha kang Cristo Jesus ngadto sa tanang mga kaliwatan hangtud sa kahangturan. Amen. —Efeso 3:20, 21

Buhat 20:32

Ug karon itugyan ko kamo ngadto sa Dios ug sa pulong sa grasya niya nga may gahum sa pagpalig-on kaninyo ug sa paghatag kaninyo sa panulondon uban sa tanang mga binalaan.

Busa mangutana ako, gisalikway ba sa Dios ang iyang katawhan? Palayo kana! Kay ako usab Israelinhon, kaliwat ni Abraham, sakop sa banay ni Benjamin. . . Ug bisan pa gani ang uban kanila, kon dili sila magpabilin sa pagkadili matinoohon, igasumpay sila niini, kay ang Dios makahimo man sa pagsumpay kanila pagusab. —Roma 11:1 ug 23

# ANG GAHUM NI KRISTO SA PAGRASAYLO SA SALA

17

Kong ang akong katawohan nga gihinganlan sa akong ngalan magmapainubsanon sa ilang kaugalingon, ug magampo, ug mangिता sa akong nawong, ug motalikod gikan sa ilang mga dautang dalan; nan ako magapatalinghug gikan sa langit, ug magapasaylo sa ilang sala, ug magaaayo sa ilang yuta.

—2 Cronicas 7:14

Marcos 2:10-12a

Apan aron mahibalo kamo nga ang Anak sa Tawo may kagahum diay dinhi sa yuta sa pagpasaylog mga sala-siya miingon sa paralitico-ako magaingon kanimo, bangon, dad-a ang imong higdaa-

nan ug pumauli ka. Ug siya mibangon, ug dihadiha gisakwat niya ang iyang higdaanan ug mipahawa siya sa atubangan nilang tanan paingon sa gawas.

Kong ikaw, Jehova, magatimaan pa unta sa mga kasal-anan, oh Ginoo, kinsa ba ang arang makabarug? Apan adunay pagpasaylo diha kanimo, aron ikaw takus gayud nga kahadlokan.—Sal. 130:3, 4

Lucas 12:10

Ug ang matag-usa nga magasultig batok sa Anak sa Tawo, siya mapasaylo; apan ang magapasipalag sulti batok sa Espiritu Santo, siya dili gayud pasayloon.

# 18 ANG GAHUM NI KRISTO SA PAG-ASA KALAG

2 Corinto 5:17

Busa kon ang tawo anaa kang Cristo, siya bag-o nang binuhat; ang daang mga butang nagpangagi na, tan-awa, ang bag-ong mga butang nahiabut na.

Juan 11:26

Ug ang tanan nga buhi ug nagsalig kanako dili na gayud matamay. Motoo ba ikaw niini?

Ug sa nahimo siyang hingpit, siya nahimong tuboran sa dayong kaluwasan alang sa tanang magsugot kaniya. —Hebreohanon 5:9

Roma 5:21

Aron nga maingon nga ang sala mihari diha sa kamatayon, ang grasya usab pinaagi sa pagkama-

tarung magahari ngadto sa kinabuhing dayon pinaagi kang Jesu-Cristo na atong Ginoo.

2 Timoteo 1:10

Ug nga karon iyang gikapadayag kini pinaagi sa pagpakita sa atong Manluluwas nga si Cristo Jesus, ni kinsa gilaglag ang kamatayon ug pinaagi sa Maayong Balita ang kinabuhi ug ang pagkawalay kamatayon gidala niya ngadto sa kahayag.

Ang kawatan moanha aron lamang sa pagpangawat ug pagpatay ug paglaglag. Ako mianhi aron sila makabaton ug kinabuhi, ug sa pagpakabaton niini sa madagayaon gayud. —Juan 10:10

# ANG GAHUM NI KRISTO SA PAG-AYO SA LAWAS 19

Lucas 5:17b

...ug ang gahum sa Ginoo diha kaniya aron sa pagpang-ayo kanila.

Ug ang usa ka babaye nga gitalinug-an sulod na sa napulog-duha ka tuig, nga nahutdan na sa iyang tanang katigayonan nga gigasto alang sa mga mananambal, ug dili na arang maayo pa ni bisan kinsa, miduol sa iyang luyo ug mihikap sa borlas sa iyang sapot; ug dihadiha mitang-on ang iyang talinugo. —Lucas 8:43, 44

Marcos 6:56

Ug bisan diin siya mag-adto, sa mga kabalangayan, sa mga siyudad, o sa kaumahan, didto gipahi-

mutang nila ang mga masakiton diha sa mga tiyanggihan, ug nagpakiluoy sila kaniya nga pahikapon unta sila bisan na lang sa borlas sa iyang kupo; ug nangayo ang tanang nakahikap niini.

Ug sa pagkasawomsom na, ilang gipanagdala ngadto kaniya ang daghang mga giyawaan; ug pinaagi sa usa ka pulong iyang gipagula ang mga espiritu gikan kanila, ug iyang giayo ang tanang mga masakiton. Kini tuman sa gisulti pinaagi sa profeta nga si Isaias, nga nag-ingon, Gikuha niya ang atong mga kaluyahon ug gipas-an niya ang atong mga sakit. —Mateo 8:16, 17

## 20 GAHUM SA PAG—AYO SA NAGKALAIN-LAING SAKIT

Lucas 13:13

Ug iyang gitapion ang iyang mga kamot diha kaniya, ug di-hadiha siya natul-id, ug nagdayeg siya sa Dios.

Mateo 8:14, 15

Ug sa pagsulod ni Jesus sa balay ni Pedro, nakita niya ang babayeng ugangan ni Pedro, nga naghigda nga gihilantan; ug gihikap niya ang kamot niini, ug siya gi-huwasan sa hilanat ug mibangon ug mialagad kaniya.

Lucas 22:50, 51

Usa kanila mitigbas sa ulipon sa labaw nga sacerdote, ug napalungan kini sa iyang toong da-

lunggan. Apan si Jesus miingon, Ayaw na niana! Ug iyang gihikap ang dalunggan niini ug giayo siya.

Mateo 8:3

Ug mituyhad si Jesus sa kamot, ug siya gitapin-an niya nga nag-ingon, Buot ako; magmahinlo ka. Ug di-hadiha nahinloan siya sa iyang sanla.

Lucas 7:21

Niadtong tungora siya nag-pang-ayo sa daghang mga tawo gikan sa mga sakit ug sa mga bala-tian ug sa mga dautang espiritu, ug daghan ang mga buta nga iyang gihatagan ug panan-aw.

# GAHUM SA PAG-AYO SA NAGKALAIN-LAING 21 SAKIT

Mateo 9:28-30a

Ug sa paghisulod niya sa balay, ang mga buta miduol kaniya; ug kanila nangutana si Jesus nga nag-ingon, Nagatoo ba kamo nga makahimo ako niini? Ug sila mitubag nga nanagingon, Oo, Ginoo. Ug ang ilang mga mata gihikap niya nga nag-ingon, Sumala sa inyong pagsalig mao ang mahimo alang kaninyo. Ug nahuka ang ilang mga mata.

Mateo 8:5-7 ug 13

Ug sa pag-abut ni Jesus sa Capernaum, gitagbo siya sa usa ka kapitan, ug kaniya nangamuyo kini nga nagingon, Ginoo, sa

balay atua ang akong binatonan nga giparalisis, nagahigda nga nagaantus sa hilabihan gayud. Si Jesus miingon kaniya, Adtoon ko ug ayohon ko siya. . . . Ug si Jesus miingon sa kapitan, Lumakaw ka; pagabuhaton alang kanimo sumala sa imong pagsalig. Ug niadtong tungora naayo ang binatonan.

Juan 5:5 ug 8, 9

Ug didtoy usa ka tawo nga nagmasakiton sulod na sa katloan ug walo ka tuig. . . . Ug si Jesus miingon kaniya, Bumangon ka, dada ang imong higdaan, ug lumakaw ka. Ug dihadiha ang tawo naayo.

## WAY GRABENG SAKIT NGA DILI MAAYO NI HESUS

Mateo 4:23

Ug ang tibuok Galilea gisuroy niya nga nagpanudlo sulod sa ilang mga sinagoga ug nagwali sa Maayong Balita mahitungod sa gingharian ug nag-ayo sa tanang balatian ug tanang sakit diha sa katawhan.

Lucas 6:17b-19

... nga nanagpanugok aron sa pagpatalinghug kaniya ug sa pagpaayo gikan sa ilang mga sakit; ug nangaayo ang mga gisakit sa mga mahugaw nga espiritu. Ug ang tibuok panon sa katawhan naninguha sa paghikap kaniya, kay gikan kaniya may gahum nga

migula ug nag-ayo kanilang tanan.

Santiago 5:14a, 15a

Aduna ba kaninyoy nagamasakiton? Ipakuha niya ang mga anciano sa iglesia, ... ug ang pagampo nga inubanag pagtoo ma-gaayo sa masakiton, ug siya pagabangonon sa Ginoo ....

Mateo 15:30

Ug miduol kaniya ang mga dagkung panon sa katawhan nga nanagdalag mga bakul, mga kimay, mga buta, mga amang, ug sa daghang uban pa, ug ilang gibutang kini sila diha sa tiilan ni Jesus, ug iyang giayo sila.



# ANG GAHUM NI KRISTO SA PAG-PAGULA SA 23 MGA YAWA

Mateo 17:18

Ug gibadlong ni Jesus ang yawa, ug migula kini gikan sa bata, ug ang bata naayo dihadiha.

Lucas 4:41a

Ug usab daghan ang gipagulaan ug mga yawa nga nanagsinggit, Ikaw mao ang Anak sa Dios!

Ug sa pag-abut niya sa pikas nga daplin, dapit sa yuta sa mga Gadaranhon, gisugat siya sa duha ka mga giyawaan nga nanggula gikan sa mga lubong, ug labihan sila sa kabangis nga tungod niana walay bisan kinsa nga makaagi niadtong dalana. Ug tanawa, mi-singgit sila nga nanag-ingon, O

Anak sa Dios, unsay imong labut kanamo? Mianhi ba ikaw dinhi aron sa pagsakit kanamo sa dili pa ang panahon? Ug sa usa ka gilay-on gikan kanila, didtoy usa ka panon sa daghang mga baboy nga nanag-ungad. Ug kaniya mi-pakiluoy ang mga yawa nga nanag-ingon, Kon imo man kaming pagulaon, pasudla hinoon kami sa mga baboy nianang panon. Ug siya miingon kanila, Pangadto kamo. —Mateo 8:28-32a

Mateo 12:22a

Ug unya dihay usa ka tawong giyawaan, nga buta ug amang, nga gidala ngadto kaniya.

## **24      ANG GAHUM NI KRISTO SA PAG-BANHAW SA MINATAY**

Ug siya miduol ug iyang gikup-tan ang lungon, ug ang mga na-nagyayong niini mihunong. Ug siya miingon, Dong, ingnon ko ikaw, bangon. Ug ang namatay milingkod ug misugod sa pagsul-ti.

—Lucas 7:14, 15

**Juan 11:23-25 ug 43, 44a**

Si Jesus miingon kaniya, Ang imong igsoon mabanhaw. Ug si Marta mitubag kaniya, Ako nahibalo nga siya mabanhaw sa pagpamanhaw unya sa kaulahian nga adlaw. Si Jesus miingon kaniya, Ako mao ang pagkaban-haw ug ang kinabuhi. Ang mosa-lig kanako, bisan siya mamatay,

mabuhi siya. . . ug sa nakasulti na siya niini, siya misinggit sa makusog nga tingog nga nag-in-gon, Lazaro, gula ngari! Ug ang namatay migula.

Samtang nagsulti pa siya, dihay usa ka tawo nga miabut gikan sa balay sa punoan sa sinagoga ug miingon kaniya, Ang imong anak patay na; ayaw na lang paghagoa ang Magtutudlo. . . . Apan iyang gigunitan siya diha sa kamot ug iyang gisangpit nga nag-ingon, Inday, bumangon ka. Ug mibalik kaniya ang iyang espiritu, ug siya mibangon diha-diha. . . . —Lucas 8:49 ug 54, 55a

Sa pagkatinuod, sa pagkatinuod, magaingon ako kaninyo, nga ang takna nagasingabut, ug karon mao na, nga ang mga patay managpakabati sa tingog sa Anak sa Dios, ug kadtong magapatalinghug mabuhi. —Juan 5:25

Juan 5:28, 29a

Ayaw kamo kahibulong niini, kay ang takna nagasingabut na nga ang tanan nga anaa sa mga lubong managpakabati sa iyang tingog, ug ang mga nanagbuhat ug maayo managpanggula nga binanhaw ngadto sa kinabuhi....

Ug nagabaton diha sa Dios sa samang paglaum nga gipanagdatwat usab niini nila, ang paglaum

nga adunay pagkabanhaw sa mga matarung ug sa mga dili matarung. —Buhat 24:15

Ug sa nasayran namo nga ang nagbanhaw sa Ginoong Jesus magabanhaw usab kanamo uban kang Jesus ug magadala kanamo uban kaninyo ngadto sa iyang atubangan. —2 Corint 4:14

1 Tesalonica 4:16

Kay ang Ginoong gayud mao ang manaug unya gikan sa langit inubanan ug singgit sa pagsugo, ug sa tawag sa punoan sa mga manolunda, ug sa tingog sa trumpeta sa Dios. Ug unya ang mga nangamatay diha kang Cristo mouna sa pagpamangon.

## 26 ANG WALAY UTLANAN NGA GAHUM NI KRISTO

Ug si Jesus miduol ug miingon kanila, Kanako gikahatag ang tanang kagahum sa langit ug sa yuta.  
—Mateo 28:18

Roma 1:20

Kay sukad pa sa pagkatukod sa kalibutan ang iyang dili makita nga kinaiya, nga mao ang iyang dayong gahum ug pagka-Dios, sa tin-aw naila na pinaagi sa mga butang nga iyang nabuhat. Busa wala silay ikapangulipas.

1 Pedro 3:22

Nga miadto sa langit ug anaa karon sa too sa Dios, ug nga kaniya nailalum ang mga manolunda ug mga langitnong kaman-doan ug kagahaman.

Juan 3:31a

Siya nga gikan sa itaas, labaw sa tanan.

Pinadayag 3:7b

Mao kini ang mga pulong niadtong Balaan ug Tinuod, nga mao ang nagabaton sa yawi ni David, ang magaabli ug walay bisan kinsa nga makasira, ang magasira ug walay bisan kinsa nga makaabli.

2 Pedro 1:3

Ang iyang diosnong gahum naghatag kanato sa tanang butang bahin sa kinabuhi ug pagkadiosnon, pinaagi sa atong ka-hibalo kaniya nga nagtawag kanato sa iyang kaugalingong himaya ug pagkahalangdon.

## ANG WALAY UTLANAN NGA GAHUM NI KRISTO 27

### *Nasayran Niya Ang Tanan*

Kay siya nasayud man sa tanang tawo ug wala siya magkinahanglan nga adunay magpanghimatuod ngadto kaniya mahitungod sa tawo, kay siya gayud nasayud man kon unsa ang anaa sa sulod sa tawo. —Juan 2:25

Unya sa maong adlaw nga, sumala sa akong Maayong Balita, pagahukman na sa Dios ang mga tinagoan sa mga tawo pinaagi kang Cristo Jesus. —Roma 2:16

### *Nagpakaon Sa Lima Ka Libo*

Ug sila mitubag kaniya, Aduna lamang kitay lima ka tinapay ug duha ka isda. Ug siya miingon, Dad-a nganhi kanako. Ug ang

mga panon sa katawhan iyang gisugo sa pagpanglingkod sa mga balili. Ug sa nagkupot siya sa lima ka tinapay ug duha ka isda, miyahat siya sa langit ug nagpasalamat, ug unya iyang gipikaspikas ang mga tinapay ug gihatag niya kini ngadto sa mga tinunan, ug ang mga tinunan maoy nanghatag niini ngadto sa mga panon sa katawhan. Ug nangaon silang tanan ug nangabusog. Ug ilang gihipos ang nahibilin nga mga tipik nga napulogduha ka bukag. Ug ang nangaon may mga lima ka libo ka mga lalaki, gawas sa mga babaye ug mga bata. —Mateo 14:17-21

## 28 ANG WALAY UTLANAN NGA GAHUM NI KRISTO

*Milakaw Sa Ibabaw Sa Tubig*

Mateo 14:25

Ug sa ikaupat nga hugna sa bantay sa kagabhion, kanila miadto siya nga naglakaw sa ibabaw sa tubig sa lanaw.

*Nagpahunong Sa Ulan*

Pinadayag 11:6

Sila may kagahum sa pagsira sa langit, aron walay ulan nga moabut sulod sa mga adlaw sa ilang pagpanghimong profesiya, ug sila may kagahum ibabaw sa katubigan aron sa paghimo niini nga dugo, ug sa pagbunal sa yuta pinaagi sa tanang hampak, bisan makapila sumala sa ilang gusto.

*Nagpakalma Sa Unos Ug Sa Dagat*

Mateo 8:26

Siya miingon kanila, Nganong nalisang man kamo, O mga tawong diyutayg pagsalig? Ug mibangon siya ug iyang gibadlong ang mga hangin ug ang lanaw; ug miabut ang dakung kalinaw.

*Nagkupot Sa Kalibutan*

Colosas 1:16b, 17

... ang tanang mga butang gi-buhat pinaagi kaniya ug alang kaniya. Siya mao na sa wala pa ang tanang nga butang, ug diha kaniya ang tanang mga butang gipakapot.

# ANG WALAY UTLANAN NGA GAHUM NI KRISTO 29

Roma 6:9

Kay nahibalo kita nga si Cristo nabanhaw gikan sa mga patay ug nga dili na gayud siya mamatay; ang kamatayon wala nay kagahum batok kaniya.

Pinadayag 1:18a

Ug ang Buhi. Ako namatay, apan tan-awa, ako karon buhi hangtud sa kahangturan . . . .

Managhimo kamo ug usa ka malipayong kagahub ngadto sa Dios, tibook nga yuta: awita ninyo ang himaya sa iyang ngalan: Himoa ninyo nga mahimayaon ang iyang pagdayeg. Ingna ninyo ang Dios: Pagkamakalilisang ang imong mga buhat!

Pinaagi sa kadaku sa imong gahum ang imong mga kaaway managyukbo sa ilang kaugalin-gon nganha kanimo, ang tibook nga yuta magasimba kanimo, ug magaawit nganha kanimo; sila magaawit alang sa imong ngalan. Selah. —Salmo 66:1-4

*Gahum Sa Iyang Ginghamian*

Kay ang ginghamian sa Dios dili hinimog palabas kondili sa gahum. —1 Corinto 4:20

Pinadayag 17:14a

Sila magapakiggubat batok sa Cordero, apan pagadag-on sila sa Cordero, kay kini siya mao man ang Ginoo sa kaginoohan ug Hari sa kaharian . . . .

## 30 ANG WALAY UTLANAN NGA GAHUM NI KRISTO

*Gahum Ibabaw Sa Tanang Linalang*

Juan 17:2

Sanglit gihatagan mo man siyag kagahum ibabaw sa tanang katawhan aron sa paghatag ug kinabuhing dayon ngadto sa tanan nga imong gikatugyan kaniya.

*Nagbanhaw Sa Iyang Kaugalingong Kinabuhi*

Juan 10:17, 18

Ako gihigugma sa Amahan sa katarungan nga mao kini: kay ako magahalad man sa pagpakamatay sa akong kinabuhi, sa paghalad niini aron mabawi ko ra usab unya. Walay tawo nga makakuha

niini gikan kanako, hinonaa ginahalad ko kini sa kinaugalingon kong pagbuot. May kagahum ako sa paghalad niini, ug may kagahum ako sa pagbawi niini. Kining maong sugo nadawat ko gikan sa akong Amahan.

*Mobalik Sa Gahum Ug Himaya*

Mateo 26:64

Kaniya si Jesus mitubag nga nagingon, Sumala sa giingon mo, mao ako. Apan sultihan ko kamo nga makita ra unya ninyo ang Anak sa Tawo nga magalingkod sa too sa Gahum, ug magaanhi nga sinapwang sa mga panganud sa langit.



# ANG WALAY UTLANAN NGA GAHUM NI KRISTO 31

## *Makapasaylo Sa Sala*

Mateo 9:6

Apan aron mahibalo kamo nga ang Anak sa Tawo may kagahum diay dinhi sa yuta sa pagpasaylog mga sala—niini miingon siya sa paralitico—Bangon, dad-a ang imong gihigdaan ug pumauli ka.

## *Makahatag Ug Kinabuhing Walay Katapusan*

Juan 10:27, 28a

Ang akong mga karnero nagapatalinghug sa akong tingog, ug ako nakaila kanila, ug sila nagsunod kanako. Ug ginahatagan ko silag kinabuhing dayon . . . .

## *Makaluwas Kang Bisan Kinsa*

Lucas 24:47

Ug nga sa iyang ngalan ang paghinulsol ug ang pagpasaylo sa mga sala kinahanglan igawali ngadto sa tanang kanasuran, sugod sa Jerusalem.

## *Makalimpiyo Sa Kalag*

1 Pedro 1:2b

. . . ug gibalaan sa Espiritu aron mahimong masinugtanon kang Jesu-Cristo ug masinablign sa iyang dugo. . . .

## *Makahimo Kanimong Madaugon*

2 Timoteo 4:18a

Ang Ginoo magapalingkawas kanako gikan sa tanang makadaut ug magaluwas kanako alang sa iyang langitnong gingharian.

Filipos 2:9,10a

Tungod niini, ang Dios nagbayaw kaniya sa kahitas-an ug mihatag kaniya sa ngalan nga labaw sa tanang mga ngalan, aron nga sa ngalan ni Jesus ang tanang tuhod magapiko didto sa langit, dinhi sa yuta . . . .

Juan 20:31

Apan kining ania gisulat aron motoo kamo nga si Jesus mao ang Cristo, ang Anak sa Dios, ug nga sa pagtoo makabaton kamog kinabuhi diha sa iyang ngalan.

Marcos 9:38b, 39

. . . Magtutudlo, dihay tawo nga among nakita nga nagpagulag mga yawa pinaagi sa imong

ngalan, ug amo siyang gidid-an kay wala man siya magasunod kanato. Apan mitubag si Jesus nga nag-ingon, Ayaw ninyo siya pagdid-i; kay walay bisan kinsa nga magahimog milagro ginamit ang akong ngalan, nga makaako lang dayon sa pagsultig dautan batok kanako.

Buhat 3:6, 7

Apan si Pedro miingon kaniya, Ako walay salapi o bulawan, apan sa ania kanako hatagan ko ikaw. Sa ngalan ni Jesu-Cristo nga Nazaretnon, paglakaw. Ug iyang gikuptan siya sa toong kamot ug gialsa; ug dihadhiha nabaskog ang iyang mga tiil ug mga buolbuol.

Diha kaniya kita may katubsanan pinaagi sa iyang dugo, may kapasayloan alang sa atong mga paglapas, sumala sa kadagaya sa grasya sa Dios. —Efeso 1:7

Ug sila nakadaug batok kaniya pinaagi sa dugo sa Cordero ug sa pulong sa ilang pagpanghima-tuod . . . . —Pinadayag 12:11a

Karon hinaut nga ang Dios sa kalinaw nga nagbanhaw sa atong Ginoong Jesus, ang dakung mag-balantay sa mga karniro, pinaagi sa dugo sa dayon nga pakigsaad, magasangkap unta kaninyo sa tanang maayong butang aron kamo makatuman sa iyang kabubuton, nga magabuhat diha kaninyo sa

makapahimuot sa iyang pagtan-aw, pinaagi kang Jesu-Cristo; kang kinsa maiya unta ang himaya nga hangtud sa kahang-turan. —Hebreohanon 13:20, 21

Pinadayag 7:14b

... Mao kini sila ang nanag-pakalabang sa dagkung kasaki-tan; ang ilang mga tag-as nga bisti gilabhan nila ug gipaputi diha sa dugo sa Cordero.

Apan kon kita magalakaw diha sa kahayag, maingon nga siya anaa sa kahayag, nan, kita may pakig-ambitay ang usa sa usa, ug ang dugo ni Jesus nga iyang Anak nagahinlo kanato gikan sa tanang sala. —1 Juan 1:7

## 34 DAY'GA ANG DIOS TUNGOD SA IYANG GAHUM

Salmo 9:11

Mag-awit kamo ug mga pagdayeg kang Jehova, nga nagapuyo sa Sion: ipahayag ninyo sa katawohan ang iyang mga buhat.

Pinadayag 5:12

Nga nanagingon sa makusog nga tingog, Ang Cordero nga gipatay takus sa pagdawat ug gahum ug kadato ug kinaadman ug kusog ug kadunggan ug himaya ug pagdalayeg!

1 Pedro 2:9

Apan kamo maoy usa ka kaliwatan nga pinili, ang kahugpungan sa mga harianong sacerdote, ang nasud nga balaan, ang ka-

tawhan nga iyang kaugalingon sa Dios, aron kamo magamantala sa kahibulongang mga buhat niya nga nagtawag kaninyo gikan sa kangitngit ngadto sa iyang katingalahang kahayag.

Salmo 67:5-7

Padayega kanimo ang mga katawohan, Oh Dios; padayega ang tanang mga katawohan kanimo. Ang yuta nagahatag sa iyang bunga; ang Dios, bisan ang atong kaugalingong Dios, magapanalangin kanato. Ang Dios magapanalangin kanato; ug ang tanang mga kinatumyan sa yuta mangahadlok kaniya.

# UNSAY AKONG BUHATON ARONG MAKA-ANGKON 35 UG KINABUHING WAY KATAPUSAN?

Mateo 19:16b, 17a ug 17c-21

... Magtutudlo, unsa bay maa-yong buhaton ko aron makapana-giya ako sa kinabuhing dayon? Kaniya mitubag siya nga nag-ingon... Kon gusto kang mosulod sa kinabuhi, bantayi ang mga sugo... Ayaw pagbuno, Ayaw pagpanapaw, Ayaw pagpa-ngawat, Ayaw pagsaksig bakak, Tumahod ka sa imong amahan ug inahan, ug, Higugmaa ang imong silingan sama sa imong kaugalingon. Ang lalaking batan-on miingon kaniya, Kanang tanan ako nang ginabantayan, unsa pa may akong kulang? Kaniya mitu-

bag si Jesus nga nag-ingon, Kon buot ikaw mamahingpit, lumakaw ka, ibaligya ang imong kab-tangan ug ang halin ihatag sa mga kabus, ug makabaton kag bahandi didto sa langit; ug unya umanhi ka ug sumunod kanako.

*Paghinulsol, Tumuo Ka, Dawata*

Marcos 1:14b, 15

... Jesus miabut... ug nag-ingon, ... paghinulsol kamo ug tumoo kamo sa Maayong Balita.

Apan sa tanang midawat kaniya, sa tanang mitoo sa iyang ngalan, kanila naghatag siyag kagahum sa pagkahimong mga anak sa Dios. —Juan 1:12

## 36 SI KRISTO MAO ANG DALAN ANG KAMATUORAN, ANG KINABUHI

Juan 1:17

Kay ang kasugoan gihatag pinaagi kang Moises, apan ang grasya ug ang kamatuoran miabut pinaagi kang Jesu-Cristo.

Juan 14:6

Si Jesus mitubag kaniya, Ako mao ang dalan, ug ang kamatuoran, ug ang kinabuhi; walay bisan kinsa nga makaadto sa Amahan, gawas kon pinaagi kanako.

Mateo 7:13, 14

Sumulod kamo agi sa pultahan nga masigpit; kay daku ang pultahan nga masigpit; kay daku ang pultahan ug sangkad ang dalan nga padulong sa kapildihan, ug

daghan ang nagasulod agi niini. Kay masigpit ang pultahan ug hiktin ang dalan nga padulong sa kinabuhi, ug diyutay ra ang mga nakatultol niini.

1 Juan 2:22

Kinsa ba ang bakakon kondili siya nga nanghimakak sa matuod nga si Jesus mao ang Cristo? Ang anticristo mao kini siya: ang dili moangkon sa Amahan ug sa Anak.

Juan 6:51a

Ako mao ang buhing tinapay nga nanaug gikan sa langit; bisan kinsa nga mokaon niining maong tinapay, siya mabuhi sa dayon.

# SI KRISTO, MAO LAMANG ANG MAY GAHUM 37 ALANG SA KALUWASAN

Hebreohanon 9:24-27

Kay si Cristo misulod dili ngadto sa usa ka balaang dapit nga hinimog mga kamot, ... kondili ngadto sa langit gayud, sa pag-pangatubang karon alang kanato sa atubangan sa Dios. Dili usab aron sa pagsublisubli sa iyang paghalad sa iyang kaugalingon, maingon sa tinuig nga pagsulod sa mga labawng sacerdote ngadto sa Balaang Dapit, dinala ang dugo nga dili iyang kaugalingon; kay kon mao pa, gikinahanglan unta nga magsublisubli siya sa pag-antus sukad sa pagkatukod

sa kalibutan. Apan ingon sa karon, sa makausa ra ug sa wala nay pagsublisubli, siya mitungha sa katapusan sa kapanahonan aron sa pagwagtang sa sala pinaagi sa paghalad niya sa pagpaka-matay sa iyang kaugalingon. Ug maingon nga ang tawo ginabut-an nga mamatay sa makausa ra, ug tapus niana mao ang hukom.

Buhat 4:12

Ug walay kaluwasan pinaagi kang bisan kinsa pa nga lain; kay walay bisan unsa pang lain nga ngalan sa silong sa langit, nga gikahatag ngadto sa mga tawo, nga pinaagi niini maluwas kita.

# ANG GAHUM SA DIOS SA PAGLUWAS SA TIBUOK KABUHATAN

1 Timoteo 1:15

Kasaligan ug takus pagadawat-  
ton sa bug-os ang ginaingon, nga  
si Cristo Jesus mianhi sa kalibu-  
tan aron sa pagluwas sa mga ma-  
kasasala. Ug ako mao ang labaw  
sa mga makasasala.

Roma 1:16a

Kay wala ko igakaulaw ang Ma-  
ayong Balita, kay kini mao ang  
gahum sa Dios alang sa kaluwa-  
san sa matag-usa nga nagatoo.

Apan bisan kinsa nga magai-  
nom sa tubig nga akong igahatag  
kaniya dili na gayud pagauhawon;  
kay ang tubig nga akong igahatag  
kaniya mahimong diha sa sulod

niya usa ka tubod sa tubig nga  
magatubo ngadto sa pagkakina-  
buhing dayon. —Juan 4:14

Sila pagamatarungon pinaagi  
sa iyang grasya ingon nga gasa,  
pinasikad sa pagkatinubos tun-  
god kang Cristo Jesus nga gitan-  
yag sa Dios ingon nga halad  
pasig-uli pinaagi sa iyang dugo sa  
maong halad nga pagadawat-  
on pinaagi sa pagtoo. —Roma 3:24, 25a

Tan-awa, gihatagan ko kamog  
kagahum sa pagtunob ug mga  
halas ug mga tanga, ug kagahum  
batok sa tanang gahum sa kaa-  
way; ug walay bisan unsa nga ma-  
kadaut kaninyo. —Lucas 10:19



*Gihatag Sa Dios Ang Labing Mahal!*

**Juan 3:16**

Kay gihigugma gayud sa Dios ang kalibutan nga tungod niana gihatag niya ang iyang bugtong Anak, aron ang tanan nga mosalig kaniya dili malaglag, kondili may kinabuhing dayon.

*O, Ang Grasya Nga Nagdala Ug Kaluwasan Ngadto Sa Tawo. Ang Ginoo Sa Tanang Binuhat Nagpakamatay Alang Sa Tanan!*

**Lucas 23:34a ug 46**

Unya si Jesus miingon, Amahan, pasayloa sila, kay wala sila

makasabut sa ilang ginabuhat. . . . Unya si Jesus mituwaw sa makusog nga tingog nga nag-ingon, Amahan, nganha sa imong mga kamot itugyan ko ang akong espiritu! Ug sa nakapamulong siya niini, nabugto ang iyang ginhawa.

*Libre Alang Kanato, Dawaton Lamang*

**Pinadayag 22:17**

Ang Espiritu ug ang Pangasawonon nagaingon, Umari ka. Ug siya nga nagapatalinghug, painгна, Umari ka. Ug ang giuhaw paaria; ang may tinguha, paimna sa walay bayad nga tubig nga nagahatag sa kinabuhi.

## 40 IHATAG NA KARON ANG IMONG KAUGALINGON NGADTO KANG GINOONG HESU—KRISTO

*Isugid Kaniya Ang Imong Mga Sala  
Unya Paghinulsol*

1 Juan 1:9

Kon isugid ta ang atong mga sala, siya kasaligan ug makatarunganon nga tungod niana mopasaylo siya sa atong mga sala ug magahinlo kanato gikan sa tanang pagkadili makatarunganon.

Buhat 3:19a

Busa, paghinulsol kamo, ug pamalik na kamo kaniya, aron mapala ang inyong mga sala . . .

*Tumuo Ka Sa Anak Sa Dios*

Juan 3:36

Ang mosalig sa Anak may kinabuhi nga dayon; apan ang dili mo-

sugot sa Anak dili makatilaug kinabuhi, hinonoa ang kapungot sa Dios magapabilin diha kaniya.

Roma 6:16

Wala ba kamo masayud nga kon itugyan ninyo ang inyong kaugalingon ingon nga mga masinugtanong ulipon ngadto kang bisan kinsa, kamo mga ulipon niya nga inyong ginasugot,—mga ulipon nga iya sa sala nga naghatud ngadto sa kamatayon, o iya sa pagkamasinugtanon nga naghatud ngadto sa pagkamatarung?

. . . hinonoa itugyan ninyo ang inyong kaugalingon ngadto sa Dios.  
—Roma 6:13a

# ANG GAHUM SA DIOS DIHA SA TINUOD NGA MAGTUTUO

41

## *Gugma Imbis Kahadlok*

2 Timoteo 1:7

Kay kita wala sa Dios hatagig espiritu sa katalaw kondili sa espiritu sa gahum ug sa gugma ug sa pagpugong sa kaugaligon.

## *Gugma Imbis Kasilag*

1 Juan 4:20, 21

Kon adunay magaingon, Ako nagahigugma sa Dios, apan nagadumot sa iyang igsoon, nan, kini siya bakakon; kay siya nga wala maghigugma sa iyang igsoon nga iya rang makita, dili gayud makahimo sa paghigugma sa Dios nga wala niya makita. Ug gikan kaniya nabatonan ta kining

maong sugo: nga ang nagahigugma sa Dios kinahanglan magahigugma sa iyang igsoon usab.

Galacia 5:22a

Apan ang bunga sa Espiritu mao ang gugma . . . .

## *Pagtuong Imbis Pagduhaduha*

Kinsa ba ang makapahimulag kanato gikan sa gugma ni Cristo? Ang pag-antus ba, o ang kasakit-an, o ang paglutos, o ang gutom, o ang kahubo, o ang katalagman, o ang espada ba? . . . Dili, hino-noa niining tanang mga butanga labaw pa kita ka mga mananaug pinaagi kaniya nga nahigugma kanato. —Roma 8:35 ug 37

## ANG GAHUM SA DIOS DIHA SA TINUOD NGA MAGTUTUO

*Pagpangga, Dili Ka Maginusara*  
Hebreohanon 13:5

Bantayi ang inyong pagkinabuhi nga mahigawas kini sa pagkamahigugmaon ug salapi, ug himoa nga matagbaw kamo sa inyong mga ginabatonan karon; kay siya gayud mao ang nag-ingon, Dili ko gayud ikaw pagapahikabsan ni pagabiyaan.

*Kalinaw Imbis Kasakit*  
Juan 14:27

Kaninyo ibilin ko ang kalinaw; kaninyo ihatag ko ang akong kalinaw. Hatagan ko kamo niini dili sama sa hinatagan sa kalibutan. Kinahanglan dili magkaguol ang

inyong kasingkasing, ni magtalaw.

Roma 5:1

Busa, sanglit namatarung man kita pinaagi sa pagtoo, kita may pakigdinaitay na sa Dios pinaagi sa atong Ginoong Jesu-Cristo.

*Matuod Nga Bahandi, Way*  
*Kahakog*

Santiago 2:5

Paminaw kamo, hinigugma ko nga mga igsoon. Dili ba gipili man sa Dios ang mga kabus dinhi sa kalibutan aron mahimong dato sa pagtoo ug mga manununod sa ginharian nga iyang gisaad kani-la nga nagahigugma kaniya?

# ANG GAHUM SA DIOS DIHA SA TINUOD NGA MAGTUTUO

43

## *Kasiguruan*

1 Juan 5:13

Kining mga butanga gisulat ko kaninyo nga nanagpanoo sa ngalan sa Anak sa Dios, aron kamo masayud nga kamo nakapanagiya na sa kinabuhing dayon.

## *Kaputli Imbis Kahugawan*

1 Pedro 1:22

Sa naulay ninyo ang inyong mga kalag pinaagi sa inyong pagkamasinugtanon sa kamatuoran alang sa matuod nga paghinigugmaay nga minagsoon, kinahanglan sa kinasingkasing maghigugmaay kamo ang usa sa usa, sa mainiton gayud.

Samtang ang tumong sa atong pagbalaod mao man ang gugma nga nagagula gikan sa maputli nga kasingkasing ug sa maayong kaisipan ug sa matinuorong pagtoo. —1 Timoteo 1:5

## *Langitnong Kalipay Imbis Kagul-anan*

Hinaut ang Dios sa paglaum magapuno kaninyo sa tumang kalipay ug kalinaw tungod sa inyong pagtoo . . . . —Roma 15:13a

Juan 15:11

Kining mga butanga gisulti ko kaninyo, aron ang akong kalipay magapabilin diha kaninyo, ug ang inyong kalipay mamahingpit.

## ANG GAHUM SA DIOS DIHA SA TINUOD NGA MAGTUTUO

### *Kusog Imbis Kahuyang*

Sa katapusan, magmalig-on kamo pinaagi sa Ginoo ug sa kusog sa iyang gahum. —Efeso 6:10

### *Paglaum Imbis Pagduhaduha*

Hebreohanon 6:18, 19

Aron nga pinaagi niining duha ka mga butang nga walay pagkausab, nga tungod niini dili mahimo nga mamakak ang Dios, kita nga nanagpangalagiw aron kapanalipdan makabaton sa dakung kadasig sa pagpangupot nianang paglaum nga gibutang sa atong atubangan. Ginabatonan ta kini ingon nga siguro ug malig-on nga sinipit sa kalag, usa ka

paglaum nga nagasulod ngadto sa kinasulorang alampoan sa luyo sa tabil.

### *Kamatuoran Imbis Pagbakak*

1 Pedro 2:12

Pagkinabuhi kamo nga malig-dong taliwala sa mga Gentil, aron nga bisan pa magaingon sila nga kamo mga mamumuhat ug dautan, tungod sa ilang pagkakita sa inyong mga maayong binuhatan sila magahimaya sa Dios unya sa adlaw sa panudya.

Juan 8:32

Ug kamo mahibalo sa kamatuoran, ug ang kamatuoran magahatag kaninyog kagawasan.

# ANG GAHUM SA DIOS DIHA SA TINUOD NGA MAGTUTUO

45

*Kadaugan Imbis Kapildihan*

1 Juan 5:4

Kay bisan unsa nga igaanak gikan sa Dios modaug sa kalibutan; ug ang pagdaug nga naga-daug sa kalibutan mao kini: ang atong pagtoo.

Pinadayag 15:2

Ug nakita ko ang daw morag usa ka dagat nga bildo nga sinaktan ug kalayo, ug sa daplin niining dagat nga bildo ang mga nanagpakadaug batok sa mapintas nga mananap ug sa iyang larawan ug sa numero sa iyang ngalan . . . .

*Ang Gahum Sa Dios Nagpatubo*

Hebreohanon 6:1

Busa biyaan ta na ang na-haunang mga tuloohan mahitungod kang Cristo ug manag-uswag kita ngadto sa pagkahamtong, sa dili na pagpahimutang pag-usab sa sukaranan sa paghinulsol gikan sa patay nga mga binuhatan ug sa pagtoo ngadto sa Dios.

1 Pedro 2:2

Ug sama sa mga bata nga bag-o pang nahimugso, tinguhaa ninyo ang espirituhanong gatas nga walay sambog, aron nga pinaagi niini kamo managtubo ngadto sa kaluwasan.

# ANG GAHUM SA DIOS DIHA SA TINUOD NGA MAGTUTUO

## *Kalig-on Sa Ispiritu*

Efeso 3:16

Aron nga sumala sa kadagya sa iyang himaya, itugot unta niya nga malinig-onan kamo sa gahum pinaagi sa iyang Espiritu diha sa kinasuloran sa inyong pagkatawo.

Mahimo ko ang tanang butang pinaagi kaniya nga nagapalig-on kanako.  
—Filipos 4:13

## *Wala Magsalig Sa Tawhanong*

*Salabutan*

1 Corinto 2:4

Ug ang akong pagsulti ug ang akong pagwali dili pinaagi sa makabibihag nga kaigmat sa mga

pulong, kondili pinaagi sa pagpa-dayag sa Espiritu ug sa gahum.

## *Gahum Sa Pagsangyaw Ug Isip Usa Ka Testimonyo*

Buhat 1:8

Apan kamo magadawat hinoon ug gahum sa diha nga kakunsaran na kamo sa Espiritu Santo; ug kamo mao unya ang akong mga saksi sa Jerusalem... ug hangtud sa kinatumyan sa yuta.

Buhat 4:33

Ug uban sa dakung gahum, ang mga apostoles nanagpamatuod sa pagkabanhaw sa Ginoong Jesus, ug daku ang grasya nga diha kanilang tanan.



# ANG GAHUM SA DIOS ALANG SA PAGTIPIG 47 SA MGA MAGTUTUO

**Juan 17:15**

Dili ako mangamuyo nga kuhaon mo sila gikan sa kalibutan, kondili hinoon nga imo unta silang ilikay gikan niadtong dautan.

**Filipos 4:7**

Ug ang kalinaw sa Dios, nga lapaw sa tanang pagpanabut, magabantay sa inyong mga kasingkasing ug sa inyong mga hunahuna diha kang Cristo Jesus.

**Pinadayag 3:10**

Tungod kay gibantayan mo man ang akong sulti sa pagkainantuson, pagabantayan ko ikaw nga mahilikay gikan sa

takna sa pagsulay nga hapit na moabut sa tibuok kalibutan, sa pagsulay sa mga nanagpuyo sa yuta.

**Pinadayag 2:26**

Kaniya nga magamadaugon ug magatuman sa akong mga bulohaton hangtud sa katapusan, igahatag ko ang pagpanggahum ibabaw sa kanasuran.

**Efeso 6:10b, 11**

... magmalig-on kamo pinaagi sa Ginoo ug sa kusog sa iyang gahum. Isul-ob ninyo ang tibuok hinagiban sa Dios, aron makabaturug kamo batok sa mga malipatlipatong kaugdahan sa yawa.

*Ato Pinaagi Sa Pagtuo, Ang Atong  
Way Utlanang Dios Lamang Ang  
Makahimo*

Ug ang tanang butang nga in-  
yong pangayoon pinaagi sa pag-  
ampo madawat ninyo kon aduna  
kamoy pagtoo. —Mateo 21:22

Juan 15:7

Kon kamo pabilin kanako, ug  
ang akong mga sulti pabilin  
kaninyo, pangayo kamog bisan  
unsa nga inyong gusto, ug kini  
pagabuhaton alang kaninyo.

Mateo 7:7, 8

Pangayo, ug kamo pagahata-  
gan; pangita, ug kamo makaka-  
plag; pagtuktok, ug kamo paga-  
ablihan. Kay ang tanan nga ma-

gapangayo makadawat; ug ang  
magapangita makakaplag; ug ang  
magatuktok pagaablihan.

Sa pagkatinuod, sa pagkatinu-  
od, magaingon ako kaninyo, nga  
ang mosalig kanako magahimo  
usab sa mga buhat nga akong gi-  
nabuhat; ug labi pa gani ka dag-  
kung mga buhat kay niini ang  
iyang pagabuhaton, kay moadto  
man ako sa Amahan. Ug bisan  
unsay inyong pangayoon pinaagi  
sa akong ngalan, pagabuhaton ko  
kini, aron ang Amahan kapasi-  
dungan diha sa Anak. Kon pi-  
naagi sa akong ngalan mangayo  
kamog bisan unsa, kini akong pa-  
gabuhaton. —Juan 14:12-14

**Magkalipay ka usab kang Jehova, ug siya magahatag kanimo sa mga tinguha sa imong kasingkasing. Itugyan mo kang Jehova ang imong dalan; ug sumalig ka usab kaniya, ug siya magabuhat niana.**  
—Salmo 37:4, 5

**Ug kanila mitubag nag Ginoo nga nagingon, Kon kamo may pagtoo nga ingon ug liso sa mustasa, makaingon kamo niinlag kahoy nga sikomoro, Paibut ug patanum ka diha sa lawod, ug kini mosugot kaninyo.**

—Lucas 17:6

**Ug ang tanan ninyong kinahanglanon igahatag kaninyo sa**

**akong Dios sumala sa iyang mga bahandi sa himaya diha kang Cristo Jesus.**  
—Filipos 4:19

**Mga hinigugma, kon ang atong mga kasingkasing dili magasudya kanato, nan, may pagsalig kita diha sa atubangan sa Dios; ug gikan kaniya magadawat kita sa bisan unsa nga atong pangayoon, kay kita nagabantay man sa iyang mga sugo ug nagabuhat sa makapahimuot kaniya.**

—1 Juan 3:21, 22

**Si Jesus miingon kaniya, Kon arang mahimo! Ang tanang butang mahimo ngadto sa magatoo.**

—Marcos 9:23

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.  
**World Missionary Press, PO Box 120, New Paris, IN 46553-0120 USA**



*Cover photo STSci-PRC2003-11a of Helix Nebula courtesy of NASA and STSci*

[www.wmpress.org](http://www.wmpress.org)

2-17

Read booklets online or by App  
[www.wmp-readonline.org](http://www.wmp-readonline.org)  
716 Cebuano POG